



INSTITUT ZA ZDRAVLJE I SIGURNOST HRANE

Fra Ivana Jukića 2, 72000 Zenica, Bosna i Hercegovina
tel.+38732 448 001 / fax.+38732 448 000
www.inz.ba / info@inz.ba / IDB 4218900490003

Zavod za javno zdravstvo
Služba za školsku higijenu

Broj: 02-309020
Zenica, 01.10.2020. godine

**Ustanovama za smještaj učenika i studenata
N/r Direktora (putem e-maila)**

**Ministarstvo za obrazovanje nauku, kulturu i sport ZDK
N/r Ministra: Prof. dr. Spahija Kozlić (na uvid, putem e-maila)**

**Ministarstvo zdravstva ZDK
N/r Ministra: dr. Adnan Jupić (na uvid, putem e-maila)**

PREDMET: Biosigurnosni model za ustanove za smještaj učenika i studenata u kontekstu COVID-19

Poštovani,

Proljeće 2020. godine donijelo je mnoge promjene u društvu. Institut za zdravlje i sigurnost hrane Zenica u cijelini, a posebno njegove organizacione jedinice Zavod za javno zdravstvo i Služba za školsku higijenu u aktuelnoj situaciji sa pandemijom COVID-19 ima zakonsku, profesionalnu i moralnu obaveznu da pomogne odgojno-obrazovnom sektoru kantona na čijem području ima ingerencije, pa i šire, pa između ostalog i ustanovama za smještaj učenika i studenata. Rad Vaših ustanova u kontekstu COVID-19 predstavlja veliku odgovornost, te je neophodna uska saradnja između zdravstvenog i Vašeg sektora.

U prilogu Vam dostavljamo „Preporuke za rad studentskih i đačkih domova i sličnih ustanova – vodič za unapređenje sigurnosti“ sa prilozima, koja je usaglašena sa Ministarstvom za obrazovanje, nauku, kulturu i sport ZDK još u junu 2020. godine, te prijedlog „Plana za uspostavljanje i održavanje sistema biosigurnosti u kontekstu COVID-19“ (krizni plan pripravnosti i odgovora na pojavu COVID-19 definisan Naredbom Kriznog štaba/stožera Federalnog ministarstva zdravstva broj 01-33-5165/20 od 16.09.2020. godine u poglavljju VII – Naredbe za obrazovne ustanove tačka 4), kao i „Plan organizacije i rada za vrijeme trajanja pandemije novog koronavirusa (SARS-CoV-2) i oboljenja koje on uzrokuje (COVID-19)“ (krizni plan pripravnosti i odgovora na pojavu COVID-19 definisan istom Naredbom, poglavlje III – Naredbe za poslovne subjekte, tačka 2).

Osim ovih dokumenata i procedura, Služba za školsku higijenu Instituta razvila je Akcioni plan za smanjenje rizika za obolijevanje od COVID-19 i povećanje biosigurnosti u odgojno-obrazovnim ustanovama, uključujući i ustanove za smještaj učenika i studenata, što podrazumijeva posjete ustanovama radi pružanja podrške i savjetovanja o metodologiji, kao i praćenja provođenja preventivnih higijenskih mjera, kao i izvještavanje o istom.

Stručni timovi Službe za školsku higijenu Instituta posjetili su Vaše ustanove u prethodnom periodu, a isto će ponoviti u narednom periodu o čemu ćemo zajednički usaglasiti termine. Do tada, predlažemo i molimo Vas da ažurirate preporučene preventivne higijenske mjere koje provodite već nekoliko mjeseci, izradite planove na osnovu prijedloga koje Vam dostavljamo, te time započnete uspostavu sistema biosigurnosti i samokontrole u kontekstu COVID-19. Važno je istaći da je potrebno formirati tim iskusnih zaposlenika, među kojima mora biti osoba koja ima odgovornosti i ovlaštenja da donosi odluke, koji treba da uoči rizične tačke koje Vi poznajete i prepoznajete, i mjere u svrhu sprečavanja pojave i širenja zaraze, a koristeći spomenute Preporuke, u skladu sa Vašim procesima rada, aktivnostima, resursima, kadrom, opremom, objektima, navikama itd., a koje je nemoguće da iko poznaje bolje od Vas.

Prilikom posjete naših timova dobit ćete dežurne telefonske brojeve i e-mail koji će Vam biti konstantno na raspolaganju za savjete i/ili povezivanje sa drugim relevantnim adresama kod pojave bilo kakve sumnje, dilema, nepovoljnih događaja u ustanovi i sl.

Neophodno je naglasiti da niti jedan sistem nije idealan i nemoguće je u potpunosti spriječiti prenos infekcije, ali zajednički možemo učiniti sve u našoj mogućnosti da rizik smanjimo na minimum, te učimo na iskustvu i kontinuirano poboljšavamo sistem biosigurnosti. Stojimo Vam na raspolaganju. O svim narednim dešavanjima ~~Nazad~~ Nagovetimo ćete dobiti informacije.

Srdačno,

Načelnik Službe za školsku higijenu:
Doc. dr. sc. Nino Hasanica

Direktor Instituta:
Prim. dr. Senad Huseinagić

U prilogu:

1. Preporuke za rad studentskih i đačkih domova i sličnih ustanova - Vodič za unapređenje sigurnosti sa prilozima
2. Prijedlog Plana za uspostavljanje i održavanje sistema biosigurnosti u kontekstu COVID-19
3. Prijedlog Plana organizacije i rada za vrijeme trajanja pandemije novog koronavirusa (SARS-CoV-2) i oboljenja koje on uzrokuje (COVID-19)

